

## **PROTOKOL**

### **O ishodu ministarskog sastanka u okviru struktuiranog dijaloga između Evropske unije i Bosne i Hercegovine**

**(Brisel 10.09.2015. godine)**

Imajući u vidu značaj i ulogu struktuiranog dijaloga o pravosuđu u Bosni i Hercegovini, koji je pružio okvir za angažman sa Evropskom komisijom o institucionalnim i zakonodavnim pitanjima relevantnim za funkcioniranje pravosuđa;

Privrženi osnovnoj ideji i ciljevima struktuiranog dijaloga, a u namjeri postizanja koncenzusa između učesnika dijaloga u zajedničkom iznalaženju odgovarajućih rješenja;

Cijeneći pomoć i veliki doprinos Europske komisije i želeći da se aktivnosti unutar struktuiranog dijaloga postroje u smislu jačanja njegove efikasnosti i funkcionalnosti;

Mi, dole potpisani ministri pravde i predsjednik Pravosudne komisije Brčko Distrikta Bosne i Herecegovine, pod pokroviteljstvom EU Komesara za politiku susjedstva i pregovore o proširenju, gospodina Johannes Hahna, suglasni smo o sljedećem:

1. Reformu Zakona o sudovima BiH razviti na osnovu verzije teksta nacrt koji je danas u Briselu predstavilo ministarstvo pravde Republike Srpske. Taj tekst, kao i nacrt Zakona o sudovima BiH iz 2013. godine će dalje biti predmetom diskusije u kontekstu predstojećeg TAIEX seminara koji će se održati u Sarajevu 1. i 2. oktobra. U skladu sa zaključcima TAIEX seminara tekst nacrt zakona će se nakon toga uputiti u proceduru usvajanja;

2. Da će se, u skladu sa tim, novom usaglašenom nacrtu Zakona o sudovima Bosne i Hercegovine prilagoditi relevantne odredbe Zakona o tužiteljstvu Bosne i Hercegovine, Krivičnog zakona Bosne i Hercegovine i Zakona o krivičnom postupku Bosne i Hercegovine;

3. Da će se reforma Zakona o Visokom sudskom i tužilačkom vijeću Bosne i Hercegovine zasnivati na sljedeća tri principa:

a) Očuvanje jedinstvenog Visokog sudskog i tužilačkog vijeća (za cijelu Bosnu i Hercegovinu).

b) U okviru Visokog sudskog i tužilačkog vijeća formirati će se dva podvijeća-podvijeće sudija i podvijeće tužitelja, koji će odvojeno, u skladu sa jasno definiranim nadležnostima, birati sudijete, odnosno birati/predlagati tužitelje.

c) Definiranje kriterija za sastav Viskogo sudskog i tužilačkog vijeća pratit će nužno ustavnu-pravnu strukturu Bosne i Hercegovine, osigurati razmjernu zastupljenost predstavnika različitih instanci i dijelova sistema pravosuđa entiteta, Brčko Distrikta Bosne i Hercegovine i institucija Bosne i Hercegovine.

4. Da se nakon provedene zakonodavne i institucionalne reforme pravosuđa na nivou Bosne i Hercegovine, izmjeni i dopuni Državna strategija za procesuiranje predmeta ratnih zločina, i to prevashodno, u smislu jednog utvrđivanja novih rokova potrebnih za njeno provođenje, jačajući ulogu Nadzornog tijela za praćenje njene realizacije kao i u smislu procjenjivanja rezultata koji će biti zasnovani na preciznim i objektivnim kriterijima.

Cijeneći da u okviru mandata i ciljeva Strukturalnog dijaloga gore navedena pitanja zaslužuju apsolutni prioritet u smislu njihovog rješavanja, uvjereni smo da konstruktivan angažman i postignuti koncenzus u rješavanju uočenih problema predstavljaju iskorak u procesu provođenja preporuka struktuiranog dijaloga i veliki doprinos konsolidaciji pravosuđa u Bosni i Hercegovini zasnovanog na reformama koje ima za cilj jačanje profesionalnosti, nezavisnosti, odgovornosti i efikasnosti sistema općenito.

U Briselu, 10.09.2015.

Ministar pravde Bosne i Hercegovine

Doc.dr Josip Grubeša

---

Ministar pravde Federacije Bosne i Hercegovine

Mato Jozić

---

Ministar pravde Republike Srpske

Anton Kasipović

---

Predsjednik Pravosudne komisije Brčko Distrikta Bosne i Hercegovine

Safet Pizović

---